

歐陽文忠公集

中國通志集成

歐陽文忠公集卷(11)

中國地方志集成

雲南府縣志輯 ⑦〇

民國鹽豐縣志(二)

鳳凰出版社 ● 上海書店 ● 巴蜀書社

鹽豐縣志卷之十

知事郭燮熙輯

人物志

有一代之人物有千秋之人物有鄉國之人物有世界之人物是故操鑑衡者必推而極之以至於名垂宇宙譽永古今斯謂之眞人物若夫論人物於一邑一鄉則不過一鄉之人物而已耳進焉則爲一省之人物而已耳再進焉則爲一國之人物而已耳眞人物豈易得哉雖然十步之內必有芳草十室之邑必有忠信一鄉一邑間卽無完全之人物自有善良之人物試卽古白井之人物言之如席忠烈上珍已可謂

爲中國之人物他如舊志所列自鄉賢以下各門忠孝節義之兼全文行道德之並茂益以武功實業藝術隱逸不物於物各人其人是皆有可紀者而忍聽其湮沒不傳耶作人物志而曰其數無幾一省之人而曰其數無幾一國之鄉賢之其人而曰其數無幾一邑之廉明不蔽一職之人卓行過譽濟苦必赴而避之以至其亦宇宙譽永古今孝友外之人而亦千祿之人而亦數國之人而亦世界之人忠節

義行

耿車碑變照碑

政績

卷之十

文學 武功 實業 藝術 隱逸 列女 寓賢 釋老

聯珠 郎寶 侯文 劉燕 蔣肅 實業 左也 文學

鄉賢人物志之一

天下鄉賢名宦二祠皆建於黌宮櫺星門外明清之代有於
在官地方祀爲名宦者於其鄉里卽祀爲鄉賢亦有經明行
修卓行昭著者則由地方有司錄列事實申詳大吏題請於
朝而祀之在明代極爲隆重在清代得之綦難如白井當元
明兩朝詔祀鄉賢者五人至清代則無一人焉嗚呼豈真無
鄉賢耶特當日無賢大吏爲之題請耳故舊志於鄉賢外別
爲卓行一篇茲復遵循前例分別錄之云

元

趙和

明

邱鑑

僕應東

席上珍

李秀白

趙

和舊井人至正間姚安同知宗于六子也父亡世亂母氏

楊適楚雄倉官後以罪戍遼東楊氏偕行和年十四歲日夜

泣涕思母遂隻身尋至遼東楊氏夢和在河邊次日至河浣

衣見一童詢之果和也母子泣認謀歸主者留不卽遣和苦

請乃得俱還渡遼河遇險不溺中途有虎啞人母子亦無恙

人以爲孝感所致有司詳請旌表

參雲南通志
演繫井舊志

邱

鑑成化甲午舉人性純孝任程番府推官有惠政思母致

仕及歸修德養親安貧樂道人無賢愚莫不佩其德行云

井舊志

僉應東天啓甲子歲貢廷試貢元第一居家孝友接物和平
博學廣聞人所推重提舉何閔中獎以文教名人之額

井舊志

席上珍號應儒舊井人明崇禎壬午舉人磊落尚氣節聞孫可望入滇與知姚州何思大姚舉人金世鼎據守姚安城可望遣張虎攻陷之世鼎與思自殺上珍被執至昆明可望呵之上珍厲聲曰我大明忠臣肯爲若屈耶可望怒命引出斬之大罵不絕賊怒甚遂磔於市康熙間賜諡忠烈乾隆間崇祀

會城三綱祠

參明史本傳
演繁井舊志

李秀白廩生性謙和幼喪父孤貧力學事母張氏至孝母邁疾將革白焚香祝天請以身代母尋瘳踰一載無疾而逝白漿水不入口者三日哀毀骨立及葬廬墓三年有司上其事御史陳學夔表其門曰篤孝萬歷二十年卒葬於白塔對面西山之麓碑誌云旌獎孝子賜冠帶榮身李公之墓參雲南通志井舊志

贊曰趙孝子和尋親萬里認母天涯淚揮遼水賢哉邱公賦性純孝解組歸來安貧樂道僕公繼起第一貢元提舉旌獎文教名人忠烈席君英雄舊武妻亦殉節愧彼張虎復有孝

子李君秀白俎豆千秋各完人格

干李條表白狀豆干煨香宗人辭

卓行人物志之二

舊志有卓行一篇蓋倣唐書之傳例今省地志亦有此目大都德行優長而聲華卓越者夫四科首列固嘗見重於聖人而二樂兼全允可同稱為君子茲謹次於鄉賢之後舊志十八人新增一人

清

夏璦 李建中 王遜 趙其名

段紅 劉道毅 羅銓 彭泰年

詳隱逸

甘岳 張作賓 陳典章 張楹

弟植

甘守誠 張輝堂 張璧 張文鶴

羅天貴

羅其璋

王恭

張文鼎

夏璵歲貢生早孤事叔如父發憤力學言行不苟設教明倫堂從遊者衆歲薦後尤方正自持有饋金挽其到官者璵曰公門非儒者所宜入况復以賄相市顧可枉己失守乎竟不往并舊志

李建中號問泉界井人康熙恩貢生持躬謹慎士類景從工詩賦書法提舉遲所師事之并舊志

王遜歲貢生性溫良立身廉介任鎮南州訓導勤於教誨官民咸敬服之致仕歸甯靜自如不慕榮利舉大賓白井科第出其門并舊志

趙其名府學廩生少孤力學恪遵母訓性端謹不隨時趨教誨
生徒不倦二兄早逝教其子孫無異己出均克成先志焉

井舊志

段紅歲貢生性和平以禮自持言行不苟人佩其德五舉鄉
飲俱賓提舉獎以皇恩重賜之額井舊志

劉道毅康熙間文生也立品端嚴德器粹然時人高其行史學
尤精提舉孔尙堪贈以才優司馬之額續井志

羅銓府學歲貢天性孝友曲體親心敦篤同氣時以德行文
章爲砥礪喪葬遵古制不用浮屠諸姪早孤悉爲婚嫁尤好
善樂施承先志捐金旦庄田租百餘石爲南北兩館義學束

修及孤貧口糧歲修之費通詳勒石又捐百金修文廟捐九十金入義學有司上其事憲獎以利濟善述忠宣遺範有功
醫序各額在姚安捐送義田在楚雄捐三百金置社田有佃
民因事鬻子者代償其銀使獲完聚其他隨事利濟不令人
知者甚多後嗣科貢不絕人以爲積德之報云參雲南通

志井舊志

甘 岳嘉慶戊辰科進士也任山西太谷知縣仁慈愛民致仕
後主講靈源書院兩舉鄉飲大賓年逾七旬縣民遙致壽屏
祝蝦生平孝友謙和尤好周恤親隣不使人知倡捐設桂香
義館於鎖水閣以教貧寒子弟其他義舉甚多井人佩其德

行焉賴井志

張作賓嘉慶間歲貢也學問博洽制行高潔以禮自持尤好先正格言隨材指授不憚講解感化者多賴井志

陳典章嘉慶間文生也居心長厚制行端謹教子義方里人稱之賴井志

張楹道光間恩貢也性敦孝友以禮束身博覽羣籍教授於鄉從遊者俱嫻於禮法與弟增生植友愛尤篤互相師友有二難之譽通學贈以文行楷模之額賴井志

甘守誠道光間歲貢也性廉介砥礪名節不樂時趨鹽局學產公事絕不干預暇則閉戶讀書手不釋卷族姓皆遵其教焉